

# 1 Pita

<sup>1</sup> I dere așeta, Yesu Kerisoné doteyale *apospel* whi Pitané dapó. I fota, Pontus, Kalesia, Kapadosia, Esia, Bitinia, i dosayayale hae kwiarapepaae dapo dapo yóló betó mole so whipaae dapó. Ti diata, Kótóné ama sókó su yóló kae beteró betereiteiné, i haemó uké wale so whi kaae ai betere ape.

<sup>2</sup> Atéru, Aya Kótóné diā kaaraai teópa, ama tuñétei mo ama so whitóro beterópóló sokósu erapó. Kótóné ama so whipóló atéro kae beterale alata, Deji Kepe Wisinétei eró beterapó. Aita, noa ala yaai ini, Yesu Kerisoné ama dere fo wosóló sya fóo, diā Talené ama so whipóló dale mulótu, Yesuné samea apuróo yópóló erapó. Kótóné ama hamokoróló hale tao sere alaró hosaa muni deyóló mo dua betere alatamo, mo turó diā tuapaae eraté fu beterópóló yae.

*Nalo mo ti betere bete saalopóló haitamo Kótóné doi sóró horótu betae*

<sup>3</sup> Da tetetóro kaae tare whi Yesu Kerisoné Alima Kótóné doi doasi mulópóló, hale sóró horae. Ama da doasi koleyóló tao suraalu, kisi so whi deyóló beteralepó. Atétere alata, Kótóné Yesu Keriso kepaaróló beteraiteiné, take waaire alimó dapaaekélé Talené mo ti beteraaire ala wisi eraalopóló haitamo bitiré fu beterópóló erapó.

<sup>4</sup> Atéro bitu, Kótóné dapaae eraaire wisi alaró melaaire qlatamo hepen bemó ama mo wisiyóló kaae tarapó. Ai wisi wisi qlata aluyóló doni, mo ti hale muó tawaalopó.

<sup>5</sup> Take kemetere alimó da aluyaosóró, Kótóné mo ti betaaire ala haķearaai donoro betere be de teopatei apaae tué tiki tiró betepa, me alané da doraosóró Kótóné ama fotokọ wase kaae diru, sesétu beterapó.

<sup>6</sup> Mió i betere alimó, kae kae seķei alané dia kaae kólóló su seremó deķené sukutepatei, mió ai waaire wisi ala saai dapóló kisipa mutu, dia doasi haķtu beterapó.

<sup>7</sup> Ti diaṗaae ai wale seķei alané diaaṗ tué tiki tiró betere ala mo erapó yópóló, kaae kolóló su sirapó. Doasi *moni* sere ọla *kold kapa* simó biliyóló mo ọla alerótu dere kaae, seķei alané diaaṗ kisipa tiki tiró betere ala kaae kolóló su su beterapó. Kisipa tiki tiratere ala kolósu, *kold kapa* kolósu depa, kisipa tiratere ala doasi bete moleteiné *kold kapata*, ti doyóló mo aluyaalopó. Yesu Keriso wouraalu haķearatere sukamó, atéro tué tiki tiró betere so whi feané kilitu, ita Talené ama kae ere de wisinaaleró fotokotamo eratapóló doasi doi mulóló, hale sóró horaalo ai ape.

<sup>8</sup> Take bitiré wou diaaṗ a kelené kilinirutei, apaae hosaa muóo, miókéle kelené kilinipatei, kisipa tiróo erapó. Atéru, Kótó tuamó bole haķ wisinaale dia tuamó faanetei, ai bete etérapóló me whiné yó melaairetei mo sunipó.

<sup>9</sup> Ti noatepae, tué tiki tiraté fóló kemene furaalu, saaire kwia ti mió diaaṗ mo su beterapó. Ti aita me kae mei, dia aluni tao sóró mo ti betaaire bete ai ape.

<sup>10-11</sup> Ai kale bopeyale tao sere alata, mo take Kótóné fo erale kóló whirapepaae kale Deķ Kepe Wisiné Kerisopaae eraaire ala i ape yóló yó

matepa, atimanémo mo so whīpaae deté wou bitipakalepó. Ai fo dokonóturaalu, Kerisopaae sekēi ala mo eróo, ai kīlipaae hepen bemó doasi doi mulatere alaró mepaae wisi alatamo āpaae eróo yaletēi, mepaae ala ti eraai teórapó. Ai ala eraai teópa, kale kōló whīrapené me noa alatamo touróló eraalorópóló kaae tawóo, ai ala metéli eraaloé yóló kaae taru, bete kekitu betóo, ipakalepó. Ai kale kōló whīrapené bopeyale Kótóné hamokoróló tao sere ala mo dokonóturaalu, diāpaae eratepa diaaḡ mo su betērapó.

<sup>12</sup> Talené ama kōló whīrapepaae i fo hākearóló erapó. Diaaḡ ai ditu betere kutóta, diā maaté tao saai dumi, take nalo betaaire so whīkélé tao saaire kutó ai ditere ape yalepó. Mió ai kale fo wisi yó matere whīrape, ó hepen bemó betere sekéné dotonale Dēi Kepe Wisiné fotokōratepa, atimanémo diāpaae yó melalepó. Ai fota me kae mei, take betale Kótóné kōló whīrapené yó melale fotórótípó. Ai ala bete *ensel*-rape atimakélé tué inireteiné, atima kelenée du betērapó.

### *Kótóné kele tómo mo kae so whī betae*

<sup>13</sup> Térapa, diaaḡtei diā tēteróló kaae taru, Talené ala eraaire tué betā muóo, Yesu Keriso ā hākeamó wouraalu diā hamokoróló tao saaire alapaae betā hosaa muóo iru, siki siki yóló ama ala betā erótu betae.

<sup>14</sup> Take diā mo fo bete tuēni hōko bitu, tó tikiné ekēle yóló du betale bete munire ala momó kae yaḡse. Tēni, diā ā beterepaae ape yale sekē ā mo kae biture kaae, diākélé atéru, naale senaale hama

alimané dere fo mo betą wosóló, aqómó betere kaae yae.

<sup>15</sup> Tétu, diąpaae ape yale Kótó ąta, me dowi alakélé muni mo kae biture kaae, diąkélé me dowi alatamo hosekényi mo kae bitu, ama ala wisi maaté erótu betae.

<sup>16</sup> Ti noatepae, ašemó ere fo i ape.

“Ę me dowi alatamo hosekényi mo kae betepa, diąkélé ę ere kaae mo kae betae,” erapó.

<sup>17</sup> Diaaą Aya-ó, dą tao sae du betere seké ąta, so whi feané du betere ala taleturaalu, mepaae so whi wisiyóló kolóo, mepaae so whi wisiyóló kilini yóo, dere Tale meipó. ąta mo feapaae betą kaae alatóró erótu betere Tale betepa, dią i haemó uké wale so whi kaae bitu, ą kolóló witamo ama ala betą erótu betae.

<sup>18-19</sup> Ti noatepae, take diaaą ayarapené yó tawale mepaae bete munire alarape diaaą tokóló hoko deté faosóró, Kótóné dią dupuyóló tao salepó. Dią atéro dupuyaleteita, doyóló aluyaaire ąla *silpa kapa ó kold kapané* dupuni, mo whiné *sipsip* hupu fopeyóló tikimó siri ó me ala inire hupu male Talepaae matere kaae, Keriso ą sukuturaalu sókó fele mo doasi ke bole sameanétóró, dią aluyaosóró dupuyalepó.

<sup>20</sup> Atei wisi ala Yesuné ama erópóló, haeró ere ąlatamo kaaraai irutei, Kótóné ą sókó sóró tukóló kaae beterélipakalepó. Téyaleteti, mió i kemetere alimó ama dią tao saai dotęyale whipóló, so whi feané ą kolópóló hąkearó betepapó.

<sup>21</sup> Kótóné Yesu Keriso kepaaróló hepen bemó, mo kae ere dę wisinaale tuąmó betero betepapó. Yesu Kerisoné ama ai yale alané dią Kótópaae tué

tiki tiró beterapó. Tériu, take nalo Kótóné diãpaae eraaire wisi alaró kisipa tiki tiratere alatamo Kótó tuãmó ai ere ape.

<sup>22</sup> Diaaḡ mió Kótóné bete mole mo fo wosóló sya foleteimó, diãné dowi ala fea fokóló wisiró betepapa, diaaḡ no nepaae yaala sókó fole ala diãné hosaa mo turóné du betae.

<sup>23</sup> Ti noatepae, diã Kótóné ama naale senaale deyóló beteró betepapó. Atéreteita, kɛlaa yóló alutere kené deni, kɛlaa initere kené derapó. Ti ai keta me kae mei, betere bete mulu Kótóné mo ti muó tare fonétoró diã kisi so whi deyóló beteró betepapó.

<sup>24-25</sup> Ti noatepae,

“So whi fea i haemó betere alata, ne sélitu dere kaae yóo,

atimané tikimó ere au wisinaalekélé haemó yó mole ne fua kaae yóo, erapó.

Nekélé hapale séli yóo, ne fuakélé hapale dulukó fío deretei,

Talené ama fota, ti hãle muótóró tarapó,” erapó.

Aita me kae mei, mepaae whiné diãpaae yó male fotóró ai ape.

## 2

<sup>1</sup> Atérapa, Keriso so whi diãsisi me so whipaae dei tuę mutere alakélé, me whi dilikitere alakélé, wisire nisiyóló tó tikiné hãle sikili dere alakélé, mepaae whiné dere wisi alamó dei tuę mutere alakélé, me whi hamoma kae kae eratere fo yóló, só deratere alakélé, fea diã tuãmó muaḡsóró yae.

2-3 Ti Yesu ąta, etei kaae Tale wisi beterapóló diaaą kaae kolóló ai kisiparapa, dią mo teó deyóló betere naale senaale awą naai ekele du dere kaae, Kótóné dią aluyaąsóró tao sere ala wisi mo ti doa yópóló, Dęi Kepe Wisiné matere ąla betątóró ekele yóló nukulé fu betae.

*Ąta mo ti betere kane epa, dąta ama sókó sóró kae beteró beterapó*

4 Ti Yesu Kerisota, be hulua eleké dere kane fake kaae daalu, betere bete ątóró ereteiné, dią ą beterepaae walapó. Mo so whinėta, ai kane fake hałe ąla kaae taae fatepa, Kótóné ama ti be tętere kane fake wisipóló, ą tokó sóró kae beteralépó.

5 Atęrapa, whiné mo be tętu dere kaae, dią Kótóné ama ala eratere be daalópóló, diąkélé ai kane fake kaae ereteiné, ą beterepaae wóló, ai ti betere kane fake tómó olekeyóló tętu beterapó. Aita, whiné kelené keletere be meitei, Kótóné mo kae tęne momatere be daalu, dią fea ama kae beteró betere momaratere faketóró aleró beterapó. Atéró, dią Yesu Kerisoné fotokąratepa, so whiné mo ąla Talepaae hałe mótu dere kaae, Dęi Kepe Wisiné dą tuąpaae eratepa, dąnémo Talené doi hale horóló, ama ala erótua dapó. Ai alarape Kótóné kilitu, mo wisirapóló ą doasi hekesetu beterapó.

6 Ti noatepae, asę tuąmó Talené i fo dapó.

“Ę betere be hulua Saion-mó be tęyaa i fótukuróló kane fake wisinaale yałotei fopeyóló sókó sóró i mulatapa kelae.

Mepaae so wh̄i detamo ʔapaae tuę tiki tiró betepa, ti ai so wh̄i hale dere alakélé mo yaalomeipó,” erapó.

<sup>7</sup> Tuę tiki tiró betere so wh̄i diʔanéta, ai kane fake wisinaale mo doasi bete mulapó, dua dapó. Tépatēi, tuę tiki tirénire so wh̄imó kisipa mutu, i fo asęrapó.

“Be tẹtere wh̄irapené dorapóló h̄ale ʔla kaae taae farale kane faketei, be tẹyaaire kane fake wisinaale alée felepó,” erapó.

<sup>8</sup> Me fo i ape.

“Ai kane fakené wh̄i kotóo sóró, dée nalóo, dua dapó,” erapó.

Atéró dée nokole alata, h̄ale mei, Kótóné ama fo wisi wosóló sya feni dereteiné, atima dée nukua dapó. Aita, h̄ale mei, Kótóné i ala yaalopóló, ere fo dokonóturaalu dapó.

<sup>9</sup> Atima ai ala erapa, diʔ take diliki tuʔmó betteretei taaróló, mo kae ere dę wisinaale tuʔmó betaai ape yale sekéné doi hale horópóló, diʔ ama sókósu yóló kae beteró beterapó. Téri, diʔ tẹteróló kaae tare topo wh̄i Yesuné tuę mole ala eróturaalu, momarateré so wh̄i betóo, ama kae betere tẹteróló kaae tare ala tuʔmó so wh̄i betóo, Kótóné mo ama so wh̄itóró betóo, erapó.

<sup>10</sup> Taketa, diʔ Kótóné so wh̄i bitinitei, mió ama so wh̄itóró betóo, take Kótóné diʔ kọleyóló tao sinitei, mió ama kọleturaalu, tao sóo, erapó.

<sup>11</sup> Ȳalo mo hosaa mole no nerape-ó, diʔ i haemó uké wale so wh̄i kaae beterapa, tó tikiné ekẹleyóló du betere dowi ala yaqsóró, tika kae betae yóló, diʔapaae mo dirii ma fo i dere ape. Ti ai dowi

alanéta, diaaḡ tiki tuamó betere kepetei só deróló dorótu beteraḡó.

<sup>12</sup> Diḡ i haemó mo so wh̄tamó hosekéyóló ai beteraḡa, mo wisi alatóró erótu betae. Mo haḡe betere so wh̄iné diḡ dowi ala dapóló ai só derótu betere ape. Ai fo du betere so wh̄i atima diḡané dere wisi ala kilitu, kisipa feteyóló Talepaae wapa, Kótó ḡa beterepaae wale sukamó atétere so wh̄inétei, ama doi doasi munaalo ai ape.

*Doasi topo wh̄iró t̄teróló kaae wh̄irapetamo aḡmó betae*

<sup>13-14</sup> Ti Tale ḡta, fea ala amatóró t̄teró beteraḡa, diḡ ama doi sóró horaai, i haemó mepaae kae kae ala t̄teróló kaae tanóḡóló sóró beteró betere wh̄irape aḡmó betó muae. T̄eru, t̄teróló kaae tare topo wh̄i aḡmókélé betóo, ai sek̄éné dotonatere mepaae ala t̄teróló kaae tare wh̄irape aḡmókélé betóo, yae. Ti ai wh̄irapeta, dowi ala du betere so wh̄imó dowi kwia melóo, wisi ala du betere so wh̄i ti dukiróo yóḡóló, sóró beteró beteraḡó.

<sup>15</sup> Ti noatepaae, Kótóné ama kisipanéta, diaaḡ du betere wisi alanétei, ai topo dore wh̄irapené diḡ só deróturaalu du betere ḡoko forape aluróḡóló kisipa mutapó.

<sup>16</sup> Ti diḡta, dowi alané dokóló *dipula* kaae beteró bitini, haḡe betere wh̄i ai beteraḡa, atérotóró betae. Atéro haḡe beteraḡóló kisipa mutu, diaaḡ me dowi ala yaai mole tuḡ tiki so wh̄iné kelaḡsóró, me alané diḡ t̄teró kaae tanipó dere foné husuraḡse. Aténi, Kótóné ama kutó diratere so wh̄itóró betae.

<sup>17</sup> So wh̄i feapaae fo ó mepaae alarape erótu, atima mo wh̄ipóló kisipa muóló, mo donoi alatóró



erótu betae. Atéturaalu, diã fea betã alatóró iru, kisipa tiki tiró betere hamomatamo hosaa mo turó mulu, yaala sókó fu betae. Kótó ąta, doasi Tale betetapa, ą kilitu wiyóló betae. Téturaalu, kale tẹteróló kaae tare topo whinė doikélé sóró horótu betae.

<sup>18</sup> Wae sóró kutó diratere so whı-ó, diã tẹteróló kaae tare whırapené dere fo wosóló, atima aomó betó muae. Naameyóló mo dua bitu, wisi ala dere whırape aomó maaté bitini, mepaae deteraa ere whırape aomókélé dua betae.

<sup>19</sup> Ti noatepae, me whı dowi alakélé inipatei, mené ą fokosói ala depa, ai sekei alané ą só deréni, Kótó mo beterapóló kisipa mutu, hãle beletétóró fu betepa, ti wisi ala dapóló ai whı dukiranérapó.

<sup>20</sup> Tépatei, me whı ama yale dowi alamó ą fokosói ala depakélé hãle beleté fu beteremó so whinė ą dukiranénipó. Diaaę wisi ala deremó mené diãpaae eratere sekei ala hãle beleté fu betepa, ti Kótóné keletómó mo wisi ala dapóló dukiranérapó.

<sup>21</sup> Diã Talené ą beterepaae ape yaleteita, ai ala yaasepóló yalepó. Ti noatepae, ama yale ala diãné kolóló suróló yópóló kisipa mutu, diã tao suraalu Keriso ą doasi seke salepó.

<sup>22</sup> ąmó kisipa mutu i fo asęrapó.  
 “ąta, dowi ala mo betakélé ini yóo,  
 so whı dilikóló kapala fo sawakélé ini yóo,  
 yalepó,” erapó.

<sup>23</sup> Atimané ą só deróló mo dowi faletere ala depatei, amamo atimapaee tokó matere ala mo inipó. ą doasi seke suraalu, diaaę ępaae etei kaae ala eralemó, yalo diãpaae tokó mótu, i ala eraalopó fo inipó. Tokó matere ala taalaturaalu,

mo donoyóló talere sekéné ą kaae tawópóló, ama betere bete Kótóné ama naase tuąmó mulalepó.

<sup>24</sup> Dąné dowi ala yaai mutere kisipata, ti whị mo sukutu dere kaae sukó, Talené mo donoi ala yaairaalu, ti whị mo biture kaae betóo, yópóló, dąné dowi ala ama tikimó sóró, ą filipaa ni tómó sukálepó. Téturaalu, ama tikimó kae kae susupu saleteiné, dowi alané dią sukunaai yale ala mo ti kemeró beterao.

<sup>25</sup> Ti diąta, *sipsip* hupu fokó fu dere kaae, take dią kópaae feletei, mió dią momó ai hupu kaae tare whị aomó betaai, fesaee walepó. Ai sekę ąta, diąné kepe betekélé teteróló kaae tare whịpó.

### 3

#### *Dokore so whịpaae dere ma fo*

<sup>1-2</sup> Atére kaae, whịné dokore sorape diąkélé di-aaọ whịrape aomó betae. Ti noa ala yaai meipó. Dią dokore whịrape mekó Talené fo wosóló tuę tiki tirénipa, diaaętei i ala yae yóló sę yaęse. Tény, diąné dere ala me alatamo hosekény yóo, Tale mo beterao ą aomó bitu, mo wisi ala maaté yóo dere kilituraalu, atima kọleaanétei kisipa feteyóló Talepaae tuę tiki tiranérapó.

<sup>3</sup> Mepaae so whịné, dią sorape diaaọ tó tikimó ere au kilitu, mo kokorapó yópóló tó tiki maaté aurótu betaęse. Kae kae ọlané diąné topo niki dokóo, *kold kapané* aleyale naase bi ó depa dere meleke ó oleratere kao ó doasi *moniné* duputere kuti wisinaale horóo deretei, doasi bete mole nisyóló atei kaae ọla ọlané aurótu betaęse.

<sup>4</sup> Téni, diã kokõ yópoló dere auta, ti mo hosaa tuamó erópóló yae. Ti aita, naameyóló mo dua betere ala naao kepe tuamó epa Kótóné kilitu-raalu, ita mo bete mole kokõ au erapóló kisipa mutapó. Ti atei kaae kokõ auta, doyóló alu deté feni, mo ti yó tawaalopó.

<sup>5</sup> Take mo kae beteró betere sorapekélé nalo Kótóné atimapaee wisi ala eraalopóló kisipa mutu, atei kaae kokõ au dua ipakalepó.

<sup>6</sup> Ti Serané oma Abraham-paae ą teteróló kaae tare whi-ó yóló, oma aomó bitu yale kaae, mepaae mo kae beteró betere sorapekélé, atimané whi aomó bitipakalepó. Sera ą atéro oma aomó bitu yale kaae, diã wiyóló furu furu ini, wisi alatóró eraté fu betepa, ti Serané ama senaalerapetóró ai betere ape.

<sup>7</sup> Diã so dokore whirape-ó, sorapepaae yale fo kaae, diãpaaekélé i dere ape. Diã diaaą so-tamo betamó bitu, sota whıtamo suni bérápóló kisipa mutu, tao sóró wisi ala maaté erótua yae. Ti noatepae, naao so diaamo wusuró Tal-ené hamokoróló hãle matere mo ti betere bete saaireteiné, diaamoné momatere ala me alané seséyaqsóró, ma fo i dere ape.

*Mepaae sekęi ala eratepa tokó meni, wisi ala betą erótu betae*

<sup>8</sup> Kemerótu dere ma fo me i ape. Me ọlamó arale sóró huri dere ala ini, diã fea mo betą tuę muóló, dua betó muae. Atéru, me whi hamoma sekę supa, ó dekené sukutepa, ti diaaą hosaamókélé suraalu, kọle yóló tao sae. Tétu, diãtei deróló mo dua bitu, no netamo yaala sókó fu betae.

<sup>9</sup> Menétamo diàpaae dowi ala eratepa, diaaḡmo atimapaee tokḡ melaḡse. Ti noatepae, Talené ama wisiraterere ala diàné sḡpóló kisipa mutu, ḡ beterepaae ape yalepó. Atérapa, mené dià eraterere fo depakélé tokḡ meni, Talepaae atimatei wisirae fotei yae.

<sup>10</sup> Ti noatepae,  
 “Dià mepaae so whḡ de wisiyóló heḡeketamo bitiré faai depa, ti ai so ó whḡ ama dere dowi foró kapala fotamo ini, kisipa tekeyóló mo hotowaró betenérápó.

<sup>11</sup> Téru, dowi ala yaaire tuḡpaae feni, woleyóló wisi ala maaté du bitu, hosaa muni deyóló mo dua betae. Aita, mo doasi topo alapa, Talené dià tuḡpaae erḡpóló, ketekḡ butu betae.

<sup>12</sup> Ti noatepae, donoi ala du betere so whḡta, Talené wisi kisipatamo kaae tawóo, atimané dere momakélé wosóo, dua dapó. Tépatei, mepaae so whḡné du betere dowi alamó Kótó ḡ felé inipa, ama atima sisópaae erótua dapó,” erapó.

<sup>13</sup> Diaaḡ wisi ala yaai ketekḡ bupa, ti né dià doraalóe?

<sup>14</sup> Tépatei, diaaḡ mo donoi ala deremótei, mené diàpaae sekeḡi ala eratepa, me ḡla meipó, Talené ḡa wisiró beterapó kisipa muae. Ti aḡmó i fo erapó. “Atima me sekeḡi ala kolóló witeretei diàné kilitu, ai alamó dià wiyaḡse,” erapó.

<sup>15</sup> Téni, diaaḡ hosaa tuḡmó Keriso ḡta, ḡa tḡteróló kaae tare Talepóló, dià ḡ aḡmó sukóló betae. Atépa, mepaae whḡné diàpaae woseturaalu, take nalo wisi ala kelaalopóló suka fea haḡtu betere-a, noa betené de? depa, atimapaee tokḡ melaaire fo

donoróló tawae. Atimané atéro wosetere fo tokó móturaalu, akélé Talené aleyóló betero beteropóló kisipa mutu, naameiné mo dua yae.

<sup>16</sup> Ti noa yópóló meipó. Diã Keriso tuãmó bitu, du betere wisi ala mepaae whiné kilitu, dei tué muóló diã só deraalotei, nalo atimané yale ala kisipa duraalu, hoko ala yalepóló atima haleyaalopó. Até yópóló diaaø hosaa tuãmó me ala dekaaporóló muni, mo wisi tuétamo mo alatóróti erótu betae.

<sup>17</sup> Diã dowi ala deremó seke supa, aita dukiratere ala meipó. Kótóné ama kisipa mole ala wisi erateremó diãpaae sekei ala eratepa, ti wisirapóló kisipa muae.

<sup>18</sup> Ti noatepae, donoi ala initere so whiné dowi ala kwia tokóló aluraairaalu, kale donoi ala dere seké Keriso a mo betã félitóro sukãletei, momó kae sukãalomeipó. A atéro sukãleteita, diã dapesó fóló, Kótótamo betãmó beteraai yalepó. A sukópóló dele alata, ti mo hae whi tiki daayóló betepa daletei, momó kepaayóló beteraleteita, ti mo kepené dere ala tuãmó kepaaralepó.

<sup>19</sup> Akélé kepetóro bitu, kepené dere ala sya fóló, kale *dipula* betero betere keperapepaae fo yó melale felepó.

<sup>20</sup> Ti ai keperapeta, Noané nuku aleyale sukamó Kótóné fo tikitu betepa, ama atima hapale kwia matere ala ini, dua kaae taté fu bitipakalepó. Ai alimó betale so whi mo fea weiné aluróló, 8-ró so whi maaté hasókó fóló, weiné sóro kutu betepa atima aluyaqsóro, Kótóné tao serapó.

<sup>21</sup> Ti take Noa betale alimó, weiné so whi aluraleteita, da mió i alimó Yesu tuãmó weí tóputere so whi aluyaqsóro, Kótóné tao saaire alapaae dó

faróló erapó. Ti wẹi tóputere alata, tó tikimó ere bólu fokaaí dumitei, ðané hosaa tuámó mole tué tiki Kótóné ama keletómó mo wisirapó yópóló, ðale mulótu betera. Ti Yesu Keriso ą kepaayóló betereiné ði ąluyaqsóro tao su betera.

<sup>22</sup> Ai seké ą hepen-paae fóló, Kótóné turu naase ðemó betepa, *ensel*-rapekélé, mepaae ala teteróló kaae tare ðoasi ðoi mole keperapekélé, ðoasi fotokọ bole keperapekélé fea ą aomó sukóló betó mulapó.

## 4

### *Sekęi ala wapakélé Talenę ala betą hąle erótu betae*

<sup>1</sup> Tęrapa, Keriso ą mo hae whę tiki ðaayóló bitu, ðoasi sekęi ala serapa, ði ąkélé ama muale tué kaaetóro muóló siki siki yóló betae. Ti noatepae, mepaae whę sekęi ala supa, ti ama ðu betale ðowi ala momó kae enęnipó.

<sup>2</sup> Ai sekęi ala sale whę i haemó hąle bituraalu, tó tikiné ekęlere ðowi ala yaai kisipa muni, Kótóné kisipa mole ala eraai bitirę faalopó.

<sup>3</sup> Ti noatepae, ði ą take Kótóné fo woseni hąle betale sukamó, mo hąle betere so whę atima kisi-panę yaaitere ala sya fóló ðu betale kaae ðiaaąkélé ðu betalepó. Ti atei ala ðiaaą sųmó yalepa, mió mo ti taalae. Ti hąle betere so whęiné ðere alarapeta, i ape. Hąkeamó mo sonaalei nópu nokole alakélé, au nokole alakélé, węi ðekéro nóló ðere ðowi alakélé, touróló ọla ðeteremó ọlaró węitamó ðekéro nokole alatamokélé, hąle họko ðu betere kae kae ðowi alakélé, kuturaalu họko ðeté kotere

dowi alakélé, bete muni sonaalei kapala kótópaae moma dere alakélé, fea deté fu beteraþó.

<sup>4</sup> Atima betero betere sere ɔla ɔlatamo haɓe hoɔko sonaalei ala du betereþeiné, haɓe besekerótua dapó. Ai ala diɓanékelé tokóló initepa, atimané diɓ faleyóló kae kae eratere forape mo dekeró du beteraþó.

<sup>5</sup> Ti ai ala du betere so whi taleyaaire ala haþóko feni, mió betere so whiró sukale so whitamó taleyaai donoró betere sekéné taleturaalu, atimapaee diɓané yale ala fea yae depa, me alakó hiraaire tu muni, mo fea haþeamó eneraþó.

<sup>6</sup> Atére betené, sukale so whi atima sukai haɓe betepatei, mené kale fo wisi atimapaee yó maleþó. Ti aita haɓe mei, i haemó tó tikiné dere ala sya fóló, taletu betere so whi taleyóló só deróo, kepené dere ala tuamó betepa, Kótóné ama taletere ala atimapaee eraleteiné mo betóo yaalopó.

<sup>7</sup> Mió i haemó mole alarape fea kemetere be de felekemó sóko waai dapó. Térapa, Talepaae momatere ala mo wisiyóló yaaseþóló diaaɔ kisipa mo diriyóló bitu, tó tikiné yaaitere ala yaɔsóró mo hotowaró teþeróló kae tawae.

<sup>8</sup> Fea ala teþeró betere doasi topo ala i ape. Diaaɔ hosaa mo turóné diɓisi yaala sóko fu betae. Ti noatepae, yaala sóko fole alanéta, fea dowi ala munire aɔróló husiratapó.

<sup>9</sup> Diaaɔ bepaae wale uké whirape dape suraalu me fo ini, mo wisi kisipatamo dape sae.

<sup>10</sup> Diɓ feané kae kae wisi ala eróþóló, Kótóné diɓ haɓe matere ala wisi séle séle dokɔraleþó. Atérapa, Kótóné yaþaae noa alakó eró betepa, ti naaomo

hale hamokoróló matere ala taaréni, so whi mo wisiyóló tao sóró erótua yae.

<sup>11</sup> Mepaae whinétamo, Kótóné fo yó mótu betepa, hale hoko fotamo touréni, Kótóné ama mo fotóro kutirimó mulóló, mo hotowaró yó mótu betae. Mepaae whinétamo Kótóné so whi tao saai depa, ti Kótóné a matere fotokóné tao sóró erótua enérapó. Ti aita, diaaḡ kae kae du betere ala fea mepaae so whiné kilituraalu, ita Yesu Kerisoné yale alané erapóló Kótóné doi hale sóró horópóló dapó. Ti aṭa, mo kae ere de wisinaaleró doasi fotokotamo bole Talepa, ama doi hale horóló suka fea mo ti muó tanópóló yae. Mo kée. Teyópóló yae.

*Kerisopaae erale sekēi ala kaae, yapaaekélé eratepa kilita sókó faḡse*

<sup>12</sup> Yaḡo hósaa mole no nerape-ó, me whiné diḡpaae susupui ala eratepa, aita diḡané tuḡ tiki tiró betereṭei kḡae kilitu dere alapa, kisi ala nisiyóló diḡ kilita sókó faḡse.

<sup>13</sup> Téní, take Kerisopaae erale sekēi ala kaaetóro, mió diḡpaaekélé ai eratapa, mo kée yóló haḡné sukutu betae. Ti noa ala yaai mei, take nalo Keriso wale sukamó, ama kae ere de wisinaale haḡearatepa kilitu, mo kée yóló doasi haḡné sukaalopóló kisipa mutu dapó.

<sup>14</sup> Kerisoné doi diaaḡ tikimó dakeró betereṭeiné, mené diḡ faleyóló erateré fo depa, Talené ya wisiró beterepóló kisipa muae. Ti noatepae, Kótóné mo kae ere de wisinaale faḡane Kepe Wisi diḡ tuamó betero beterepó.

<sup>15</sup> Tépaṭei, diḡkó me whinétamo whi dóló suku-natere ala ó, ḡlémi nokole ala ó, kaae tare



wh̄irapené fo tukóló kae kae dere dowi ala ó, mené dere ala fasóló deremó dīapaae sekēi ala eratepa, aita Keriso so wh̄iné dere ala meipóló haleturaalu wi yae.

<sup>16</sup> Tépaitei, Kerisoné ala erótu beteremó, mené dīapaae sekēi ala eratepa, hale yaõse. Tényi, diaaõ tikimó Kerisoné doi moleteiné dapa, Kótóné doi bet̄a hale sóró horótu betae.

<sup>17</sup> Ti noatepae, d̄a Kótóné ama naale senaale bitu du betere ala tale yaaire be d̄e kaae sere aõrapó. Ama taleyóló kwia matere ala kaae suraalu d̄apaaepi eróló, nalo kemerótu ti Kótóné ama fo woseni, dow̄aae fóló tikitu betere so wh̄ipaae, mo doasi sekēi ala eraalo meipóló kisipa mute?

<sup>18</sup> I fo erapó.

“Donoi so wh̄itamó sekēi ala su betepa, Talené ama tao saaire ala hapólupa, ti Kótóné fo woseni, dow̄aae fóló dowi ala yó tare so wh̄i tao saaire ala mo doasi hapólunipóló kisipa mute?” erapó.

<sup>19</sup> Térapa, Kótóné ama kisipa mole ala erateremó, sekēi ala su betere so wh̄i dīa kaaróló beteralé sekéné ama dīa tao saalopóló kisipa mutu, apaae tué tiróló wisi ala bet̄a yó tanérapó.

## 5

*So wh̄i kaae tare wh̄i disiraperó teyó wh̄irapetamopaae dere fo*

<sup>1</sup> Dīa tuamó betere so wh̄i t̄eteróló kaae tare wh̄i disirapepaae dirii ma fo i dapa wosae. Èkéle dīa ere kaae, so wh̄i t̄eteróló kaae tare wh̄i

disi bitu, Kerisopaae erale sekēi ala yało ke-  
lené mo kelaletēi, so wh̄ipaae yó mótu beterapó.  
Atéru, Kótóné ama kae ere de w̄isinaale so wh̄iné  
kolópóló h̄akearaterē be de m̄ó, ẹkélé ai de w̄isi-  
naale saaire wh̄i bitu, dīapaae dere ma fo i dapa  
wosae.

<sup>2</sup> Kótóné ama so wh̄i t̄eteróló kaae tawae yóló dī  
sóró ai beteró beterapa, ai so wh̄i me ala yaqsóró  
mo hotowayóló kaae tawae. Me wh̄iné dīapaae  
i ala yae yóló s̄eterē fo woseni, Kótóné ama kisi-  
pané diaaọ yópólópó ere ala bet̄a tūe muóló, wisi  
kisipatamo erótu betae. Doasi *moni* saai dapóló  
ek̄le dere ala ini, so wh̄i h̄ale tao saaire ketek̄e  
bet̄a bulu du betae.

<sup>3</sup> Talené dīapaae kaae tawae ere so wh̄i kaae  
taru, dī doasi topo wh̄i aoyóló kaae tani, mepaae  
Keriso so wh̄iné diaaọ du betere wisi ala kolóló dī  
sya wópóló, wisi ala diaaọpi kaae sóró yae.

<sup>4</sup> Atéró betepa, Kótóné *sipsip* hupu kaae tare  
topo wh̄i ̄ sókó wouraalu, Kótóné ama kae ere de  
f̄ane doi mole topo tao dīamó matepa saalo ai  
ape. Ti ai kok̄oi au wisinaale ere topo tao dokélé  
ini, mo ti muó tawaalopó.

<sup>5</sup> Dīa teó wh̄irape-ó, kale wh̄i disirape Tale aomó  
sukóló biture kaae, dīakélé ai wh̄i disi aomó betae.  
So wh̄i dīasisi u t̄eterótu i t̄eterótu ini, naameyóló  
dua betere ala kuti kaae deróló betae. Ti noatepae,  
asemó i fo erapó.

“Mepaae bopé faketerē so wh̄iné yaaitere ala  
Kótóné ama sesé yóo,  
naameyóló dua betere so wh̄i ti ama  
hamokoróló tao sóo, dua dapó,” erapó.

<sup>6</sup> Térapa, Kótóné ama kisipa mole sukamó diã tao sóró dukirópóló, ama fotokóné tẹteróló betere aomó naameyóló mo dua betae.

<sup>7</sup> Diãta, Kótóné hosaa mole naale senaale betereteiné, ama diã mo wisiyóló kaae tarapa, diaaọ enée yóló whaalia du betere sekei ala fea ama wisi eraté fu beterópóló ọpaae melae.

<sup>8</sup> Diaaọ tó tikiné du betere ala hotowaró tẹteróló kaae taru, kele diriyóló betae. Kale whi dó nokole bete haọ *laiyon*-né whi dóló naai keketé kutu dere kaae, diãné bóe whi Satan-né diã doraaire tu keketé kutu beterapó.

<sup>9</sup> Ai sekéné ama kisipa mole ala diãpaae eraosóró, wisiyóló kaae taru, Talepaae tué tiki tiró betere alané dirii tipi kaae yae. Ti noatepae, ai kaae sekeťa, diãpaae maaté mei, i hae kwia feamó betó mole diãné no nerapekélé betã kaae seketóró su beteretei diaaọ kisipa muae.

<sup>10</sup> Ti diã Yesu Keriso tuamó betepa, Kótóné ama hamokoróló tao sere ala, mo dekeró erótu beterapó. Ai ala du betere Kótóné kae ere de wisinaale tuamó betaasepóló, diã ape yalepó. Sawa sukamó diã mepaae seke siré fu betepa, atéyale sekéné diã haepaae derepéni diriyóló beterópóló, amatóró diã fotokọ bulóló, mo ti sұraalopó.

<sup>11</sup> Ti ọta, mo doasi fotokọ bole Tale beterapa, so whi feané ọ dukiraterere ala hałe yó tanópóló yae. Mo kée. Teyópóló yae.

### *Mo kemeróturaalu kọleó dere fo*

<sup>12</sup> Yalo kisipané Sailas ọta yalo mo no bitu, Tal-ené ala eró tare whi wisipó. Atéru, ama ẹ tao supa, yalo diãpaae mo hałekeróló aseýalepó. Yalo ai

yale așeta, Kótóné hamokoróló tao sere ala dijané tuę yópóló yó melóo, Talené ala erópóló ketekeę bulóo yalepó. Táyalepa, Dię ama ai hamokoróló tao sere ala tuamó diriyóló betae.

<sup>13</sup> Talené sókó su yóló diętamo betamó beteró betere no nerape atima Babilon be huluamó bitu, diępaae kęleó dapó. Yesuné yale ala tuamó yało naale sutoró betere whi Mark-nékélé diępaae kęleó dapó.

<sup>14</sup> Dięsisi yaala sókó furaalu, kęleó yóló aputu betae. Talené hosaa muni deyóló dua betere ala Keriso tuamó betó mole so whi dię fea tuamó mulópóló yae.

**Yesu Kerisoné So Whi Tao Sere Kisi Fo Wisi  
The New Testament in the Falopa Language of Papua  
New Guinea**

copyright © 2005 Wycliffe Bible Translators, Inc.

Language: (Folopa)

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

    You include the above copyright and source information.

    You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2009-10-31

---

PDF generated using Haiola and XeLaTeX on 18 Apr 2025 from source files dated 31 Aug 2023

0102a9df-173c-5a64-b766-14ab67a86105